

- Tut 26. Friisk Harfsthuuchschölj wjarn we foon e 2. bit 6. oktoober awt dānsch huuchschölj önj Jarplund. We hāin dāttooch 42 diiljnamere, deermade uk maning naie. Ān een kōm di bekānde muusiker Jan Graf ma sin gitar tu besāk.
- E 10. oktoober wjarn üüs ālere lasmoote aw harfstütfluch. Ja beseechten et toorps-museum önj Trölstrup ān fūngen kafe önj e latj krouf "Deichshörn".
- Fertreesere foon tweelwen manerhāide-organisasioone, deermade uk Bahne Bahnsen ān Ilwe Boysen, hāin e 19. nowāمبر gelāāgenhāid ān berucht am jare ārbe ān uk sōrje bai e tweed manerhāide-ōnjhiiring önj e kris Nordfraschlōnj.
- Et waagiinje 23. ān 24. nowāمبر jāif et awt dānsch fōljkehuuchschölj önj Jarplund bai Flansborj wi en frasch teooter-semināār, wat āl sunt tiin iir foon da biise feriiine Friisk Foriining ān e Frasche Feriin for e Āāster-māāre aw e biine stald wārt.
- E 5. önj e jūlmoune hāi üüsen ālere-klub lāāsīd tu en fiirliken adwānts-eeftermadi önjt Galerie Café. Dātheer tooch ma Christiane Bodenhagen ān schoulere foon dānsch schölj önj Brāist.
- Gary Funck heet di leeste saneene for jūl ma en ra junge frasche wi en sūnāmd jūl-drāāwen dōōrfjard.
- E 23. januar hāin we wi en drāāwen ma Hape Müller foon Antenne Sylt, Sven Lappohn foon e Sōlring Foriining ān Jon Hardon Hansen foon e SSF. Ja wan önj e samer da manerhāide önjt lōnj forstale

Wunterfāst ma 115 diiljnamere

Önj e krouf „Fraschlōnj“ fiird e Friisk Foriining e 7. februar har traditsjonāl wunterfāst. Et fāst begand as arks iir ma en grāinkūljāāsen, dan prāsentiirden aktōōre foont frasch musical „Di Wīdergunger“ hu stōōgne üt et musical. Christiane Bodenhagen kōō deereefter e „frasch band“ ma schoulere foont dānsch schölj önj Brāist forstale, ān tuleest wiseden studānte foon e uni Kil jare kortfilm ma e tiitel „Weer as Alastair“.

- Tut biikebrānen (21. februar) hāin da frasche feriiine jarling wi eefter Risem önjt "Fraschlōnj" lāāsīd. E biikenreede wōrd foon Ilse Johanna Christiansen hūlen, ān e Rōkefloose spaald et beest üt 30 iir frasch biike-teooter.
- „Di wīdergunger“, et jarst friisk musical ouerhood, schraawen ān aw e spaalteele broocht foon Gary Funck, hāi e 6. april prām jāāre önj Naibel. Māāst 300 manschne wjarn deerfoon ouertjōōged, dāt „e frasch kultuurszene am en nai kwalitāāt riker wōrden as“, sū Thomas Steensen.



Bait grut finaale: Martje Jannsen ān Elke Boysen

Wat ouers sū lāpt

- Et stjōr heet ham önjt fergāngen ārbesiir oocht tooche tu meetinge drāāwed.
- Üüsen ālereklub drāāwet ham iinjtooch önj e moune önj Lunham önjt Galerie-Café tu en eeftermadi ma forleesen, koorde-spaalen ān snāāk.
- Önj e septāمبر ān tu began foont nai iir fāngden wider naie fraschkurse ma Ute Jessen önj Risem Schölj ān Christiane Bodenhagen önj Brāist önj.
- Foon üüs lasmooteblees "Friisk Tising", wat üüs lasmoote ma e pust foue, san tou ütgoowe rütkiimen.
- Antje Arfsten as üüsen naie repräsentant önj e bairādj foon FriiskFunk.
- Jōrgen Jensen Hahn as "Beauftragter für Minderheitenangelegenheiten" bai e Uni Flansborj wōrden.
- E radiosiinjing "Nais foon diling" brāngt arken dāi foon moundi bit fraidi da aktuāle tisinge aw frasch, sprāāgen foon Gary Funck.

Friiske tisinge arken dāi nai uner:
www.friiskforiining.podspot.de

Wat kamt

- Saamilōnj-sprākerāis (22. - 30. juuli)
- Samerütfluch eefter Danewerk (30. august)
- Harfsthuuchschölj (2. - 5. oktoober)
- European Minority Film Festival (20. - 22. nowāمبر)

Friisk Hūs hāi e dōōre wid āām!

Brāist. Gōdj beseecht wōrd e 13. april e dāi ma āāme dōōre foont Friisk Hūs önj e rāāme foon e Brāistinge Kulturmeel. Frasche Rādj ān Friisk Foriining hāin en brōket program bütfort hūs aw e biine stald, wat dan uk ordi manschne tu da frasche looked heet. For musikaalisch stiming sōriden et duo Oke ān Tade ān da Latje Māntje foont dānsch schölj. Profāsjonāl wjarn e aptreesee foon e Naiblinger doonsformatsjoon Move It Up. Banefor kōō fōlj ham amt frasch ārbe informiire unti Fiete Pingel bai fordreegene am e frasch frihāid tuhiire.